



906
PB-52

Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj: 04-04-53704-30/25
Sarajevo, 28.11.2025. godine

SKUPŠTINA KANTONA SARAJEVO
- ovdje -

PREDMET: Odgovor na zastupničku inicijativu, dostavlja se

Ministarstvo saobraćaja Kantona Sarajevo zaprimilo je zastupničku inicijativu zastupnice Elze Gaković upućenu na 26. radnoj sjednici Skupštine Kantona Sarajevo održanoj dana 14.11.2025. godine, a koja se odnosi na prijevoz učenika osnovne škole Mirsad Prnjavorac" u Vogošći.

Na osnovu predmetne inicijative, ovim putem dostavljamo sljedeći odgovor:
Odredbama člana 76. stav (1) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24) propisano je da Kanton u saradnji sa Gradom Sarajevo, općinama i drugim zainteresovanim subjektima obezbjeđuje sredstva za finansiranje troškova prijevoza učenika osnovnih i srednjih škola sa područja Kantona.

Na osnovu navedenih odredbi Zakona, Ministarstvo saobraćaja Kantona Sarajevo je obezbijedilo finansijska sredstva za osiguranje besplatnog vanlinijskog prijevoza učenika sa područja Općine Vogošća i sa Općinom Vogošća potpisalo Sporazum o saradnji za osiguranje besplatnog vanlinijskog prijevoza za učenike osnovnih škola za školsku 2025/2026. i školsku 2026/2027. godinu, a koji ispunjavaju uslove uvrđene članom 76. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24).

Odredbama člana 76. stav (4) navedenog zakona, propisano je da učenik osnovne škole kao javne ustanove ima pravo na besplatan vanlinijski prijevoz ukoliko:

- a) stanuje na udaljenosti većoj od dva kilometra od škole koju pohađa,
- b) pohađa školu koja pripada školskom području ili pohađa školu koja je fizički najbliža mjestu stanovanja, a po mjestu stanovanja ne pripada školskom području i
- c) nema organizovan sistem redovnog linijskog prijevoza putnika kojim bi zadovoljio potrebu odlaska u školu i povratka iz škole.

Odredbama člana 5. potpisanog sporazuma propisano je da će općina kao nosilac aktivnosti, u saradnji sa osnovnim školama sporazumno definisati način i postupak provođenja procedure javne nabavke odabira prijevoznika, te organizaciju racionalnog i sigurnog prijevoza učenika sa redom vožnje usklađenim sa odlaskom u školu i povratkom učenika iz škole.

Kada je u pitanju organizovanje besplatnog vanlinijskog prijevoza za učenike osnovnih škola, općina u saradnji sa školama utvrđuje potrebu za organizovanjem besplatnog vanlinijskog prijevoza učenika osnovnih škola koji ispunjavaju uslove propisane članom 76. stav (4) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), a Ministarstvo saobraćaja Kantona Sarajevo, shodno potpisanom sporazumu, obezbjeđuje finansijska sredstva za besplatan prijevoz.

U vezi sa odvijanjem redovnog linijskog prijevoza putnika na relaciji Vogošća – Tihovići, Ministarstvo saobraćaja Kantona Sarajevo je više puta uputilo zahtjev prijevozniku KJKP "GRAS" d.o.o. Sarajevo za poduzimanje aktivnosti u cilju uspostavljanja redovnog linijskog prijevoza putnika kojim bi se zadovoljile potrebe učenika za prijevozom, kao i ostalih građana koji koriste linijski prijevoz na relaciji Vogošća – Tihovići.

Prema dostavljenim informacijama prijevoznika KJKP "GRAS" d.o.o. Sarajevo, trenutno na navedenoj relaciji saobraća minibus. Zbog neplaniranog kvara na vozilu se može desiti privremena obustava dok se ne izvrši zamjena vozila. U skladu sa raspoloživim voznim jedinicama, zamjensko vozilo koje se šalje na liniju je autobus, obzirom da nema zamjenskih minibus.

Napominjemo da je Ministarstvo saobraćaja Kantona Sarajevo u ovoj kalendarskoj godini provelo proceduru za nabavku novih 15 minibus, te je zaključen ugovor sa ponuđačem o nabavci.

U toku 2026. godine će se realizovati isporuka novih minibus, čime će se stvoriti uslovi za redovno i nesmetano odvijanje saobraćaja na svim minibuskim linijama.

S poštovanjem,

Dostaviti:

1. Naslovu

2. Evidencija

3. Arhiva

STRUČNA SLUŽBA
VLADE

